

Blief 't laeve de baas

LVK 2024:

Auwt Prinse Zösterre

Teks:

B.Erkens / T.Arts

Meziek:

B.Erkens / J.Deusings

Refrein: Blief 't laeve de baas.
Haol d'r oet wat d'r in zit
Maak plezeer en gaef gaas
Höf mit ós hie 't glaas
Want doe numms geine cent mit
Blief 't laeve de baas
En es 't dich soms neet mit zit
Nou dan dènkste helaas
Al kiek ich op mien naas
Toch bön ich d'r kóntent mit

1. Ich veulde mich neet good
Haw gaaroets geine mood.
D'n dokter zag mich drek: Dit is bezónjer
Ich weit was doe mós doon
Sjpeel aaf en toe de clown
Mit vastelaovend den gebeurt 'n wónjer
Kóm raap dich 'ns biejein
Maak sjpas mit jederein
Toen sjoot ich in de lach
Óm wat mich d'n dokter zag

2. De lach zit in de traon
Ich laot mich lekker gaon
Mich zuuste euveral wo get te doon is
Ich gaon d'r taege-aan
Mien zörg zeen van de baan
Belaef det vastelaovend supersjoan is
De welt sjtuit op de kop
Ich veul mich drie daag top
Det höb ich neet allein
Want ich zèng mit jederein

Slotregels: Blief 't laeve de baas
Maak plezeer en gaef gaas
Want doe numms geine cent mit!